

KAB MOB VAIS LAV NROOG JAMESTOWN CANYON



Kab Mob Vais Lav Jamestown Canyon (JCV) yog ib yam mob uas pheej kis tau rau tib neeg los ntawm yoov tshaj cum. JCV muaj feem cuam tshuam nrog cov vais lav La Crosse uas tuaj yeem kis mob rau saum cov paj hlwb. Hauv Wisconsin, cov neeg kis kab mob ntawm JCV tau muaj ntau tuaj tsis ntev los no. JCV yog yam tsis tshua tshwm sim thiab nws qee zaum tsis ua rau muaj tsos mob tawm tuaj. Rau cov laj thawj no, kev kuaj JCV tsis tshua muaj ntau heev. Cov mob JCV feem ntau muaj nyob hauv Wisconsin thaum Lub Rau Hli mus txog rau Lub Cuaj Hli, los sis thaum cov yoov tshaj cum cus tshaj plaws.



Dab tsis ua rau nws mob?

- ▶ Cov yoov tshaj cum kis tau JCV los ntawm kev nqus ntshav ntawm cov tsiaj muaj tus kab mob, thiab mam li kis rau tib neeg los ntawm kev tom lawv. Nws raug ntseeg tias cov mos lwj dawb w yog cov pus tus kab mob vais lav, thiab tuaj yeem kis nws los ntawm cov yoov tshaj cum.
- ▶ Kuj tsis paub meej tias hom yoov tshaj cum twg muaj feem kis tau JCV rau tib neeg ntau tshaj plaws hauv Wisconsin, tab sis ntxim tias nws muaj ntau dua ib hom.
- ▶ JCV tsis tuaj yeem kis ntawm tib neeg mus rau tib neeg tau.
- ▶ Thaum ib tus neeg raug tus mob JCV lawm, lawv tsis tuaj yeem raug kis ntxiv lawm.



Muaj cov yam ntxwv thiab cov tsos mob li cas?

Coob tus neeg uas kis tus mob JCV tsis tshwm sim cov yam ntxwv los sis cov tsos mob li. Thaum qee leej muaj cov tsos mob lawv ttej zaum yuav muaj:

Cov Tsos Mov Me

- ▶ Kub Taub Hau
- ▶ Mob Taub Hau
- ▶ Mob Ib Ce
- ▶ Tsis Muaj Zog

Cov Tsos Mob Loj

- ▶ O saum paj hlwb thiab txha caj qaum
- ▶ Tsis Hnov Qab
- ▶ Tsis Meej Pem



Muaj cov hauv kev kho li cas?

Tsis muaj tshuaj tiv thaiv rau JCV. Cov tshuaj uas yuav pem khwv kuj siv tau mus pab kom txhob kub thiab kom mob ntaug. Nyob rau hauv cov mob loj heev tus neeg yuav tau mus tom tsev kho mob kom tau txais kev tso dej, noj tshuaj loog, los sis lwm yam kev kho mob rau cov tsos mob.



Yuav pov thaiv tau li cas?

Ua raws li cov kauj ruam los txo qhov uas yuav raug yoov tshaj cum tom:

- ▶ Siv lub tshuaj tua yoov uas muaj 20–30% DEET, 10–20% picaridin, 10–20% IR3535, los yog 30–40% OLE. Siv 0.5% permethrin rau cov khawb ncaws. Nrhiav [lub tshuaj tua yoov](#) rau koj ntawm Environmental Protection Agency's (EPA) website. Ua raws li cov kev qhia ntawm daim plaub no.
- ▶ Thaum nyob sab nraum zoov, hnav tsho tes ntev, ris ntev, rau thom khwm, thiab rau khau qhwv. Siv lub tshuaj tua yoov rau cov khaub ncaws, vim tias cov yoov tshaj cum muaj peev xwm tom tshab cov khaub ncaws.
- ▶ Siv cov ntxaij vab tshaus qhov rai thiab qhov rooj ntawm koj lub tsev, thiab tshawb xyuas tsis txhob pub muaj qhov to nyob hauv lawv.
- ▶ Rhuav tshem ntawm cov dej teev tseg ze koj lub tsev uas yoov tshaj cum yuav nteq tau qe. Yam tsawg kawg yog ib zaug ib lub lim tiam, nchuav kom tag thiab txhuam, npog, pov tseg cov khoom uas teev dej, xws li cov log tsheb, thoob, chaw rau noog da dej, los sis lub tais tsiaj. Nco ntsoov cheb cov khib nyiab saum ru tsev ib yam nkaus thiab.
- ▶ Siv sij hawm tsawg rau kev nyob sab nraum zoov ncuva sij hawm yoov tshaj cum nyiam tom.

